

## Raport Muaji Prill 2023

### Informacion bazë

Administrimi i Fondit	<b>Shoqëria Raiffeisen Invest sh.a</b>
Monedha	<b>Euro</b>
Datë Lancimi	<b>22 Nentor 2012</b>
Vlera fillestare e kuotës	<b>100</b>
Shuma fillestare minimale	<b>250</b>
Shuma minimale pasuese	<b>50</b>
<b>Komisione dhe Tarifa</b>	
Tarifë në hyrje	<b>0.00%</b>
Tarifë në dalje	<b>0.00%</b>
Tarifë Administrimi në vit	<b>Deri ne 1.30% e vleres neto te aseteteve</b>
Tarifa te tjera te vazhdueshme	<b>Referojuni prospektit te fondit</b>
Komisione/tarifa të vazhdueshme	<b>1.48% per vitin 2022</b>
Kosto për transfertë fondesh nga palë të treta	<b>Referojuni informacionit ne degjet e RBAL</b>

### Objektivi i investimit dhe profili i investitorit

Objektivi i Fondit është të mund t'i sigurojë investitorit një kthim nga investimi në përputhje me një menaxhim të kujdesshëm të portofolit duke ruajtur nivelin e kapitalit dhe likuiditetit të nevojshëm.

Nje pjese e rendesishme e aseteteve te fondit mund te investohen ne bono dhe obligacione thesari te Qeverise se Republikes se Shqiperise, te emetuara ne monedhen euro. Megjithate, frekuenca e emetimeve ne euro nga Qeveria e Republikes se Shqiperise do te percaktoje shkallen ne te cilen Fondi do te investoje ne keto lloj instrumentash.


Fondi eshte i pershtatshem per individet dhe subjekte juridike te cilet mendojne se objektivi i investimit i Fondit perputhet me kerkesat dhe pritshmerite e tyre.

Shifra e tarifave të vazhdueshme 1.48% mbështetet në shpenzimet për vitin e mbyllur më 31.12.2022. Kjo shifër mund të ndryshojë nga viti në vit. Tarifa totale e vazhdueshme nuk mund të kalojë maksimumin prej 1.6% ne vit te vlerës neto të aseteteve te fondit.

Kostot e transaksioneve janë sipas kushteve të punës të palëvendërmjetësuese dhe nuk përfshihen në llogaritjen e komisioneve dhe tarifave të vazhdueshme, por ato i ngarkohen Fondit.

### Profili i Riskut dhe Përfitimit

Risk i ulët	Risk i lartë
Përfitimet tipike më të ulëta	Përfitimet tipike më të larta



#### Fondi Raiffeisen Invest Euro është në kategorinë e tretë të Profilit të Riskut dhe Përfitimit

Treguesi i riskut dhe përfitimit korrespondon me një numër të plotë i cili përdoret për të renditur fondin në një nivel risku nga 1 në 7, sipas nivelit të rritjes të luhatshmërisë. Kategoria më e ulët nuk do të thotë që investimi në fond është pa risk.

Ky tregues ka për qëllim tju informoje mbi luhatshmërinë e çmimit të kuotës së fondit bazuar në historikun e performancës së fondit. Të dhënat historike të përdorura për llogaritjen e treguesit nuk mund të përbëjnë një siguri të plotë për profilin e riskut në të ardhmen.

## Të dhëna për Fondin në 30 Prill 2023


Vlero Neto e Aseteve	31,350,341
Numri I Investitoreve	1,503
Cmimi I Kuotes	107.3125
<b>*Kthimi Vjetor nga Investimi (30.04.2022 – 30.04.2023)</b>	<b>-2.27%</b>

\*Tarifa e administrimit dhe tarifat e tjera të vazhdueshme zbriten përpara llogaritjes së kthimit nga investimi.

## Struktura e Portofolit të investimeve më 30 Prill 2023

Portofoli i fondit Euro është ndërtuar në një mënyrë të tillë që të përfitojë nga balancimi i kategorive të ndryshme të investimeve në bono dhe obligacioneve qeveritare dhe të korporatave. Kjo bëhet me qëllim për të diversifikuar portofolin dhe ulur riskun që vjen nga ekspozimi i gjere ndaj pak instrumenteve.

Përqindja e alokimit të asetëve bëhet në përputhje me politikën e investimit dhe kriteret e specifikuar në prospektin e fondit. Shpërndarja e asetëve mund të jetë jashtë objektivit të përcaktuar për shkak të ndryshimeve të kushteve të tregut. Asetet e Fondit janë të investuara në instrumente financiare që i përkasin emetuesve që performojnë në industri të ndryshme të ekonomisë duke bërë të mundur rritjen e diversifikimit të portofolit.



Duke iu referuar strukturës së portofolit të investimeve të fondit më 30 Prill 2023, përqindja e asetëve të fondit e investuar në Obligacione Shtetërore qëndron në 50.6% të asetëve, dhe 47.4% i përkasin obligacioneve të Qeverisë Shqiptare, të tregtuar në tregje ndërkombëtare. Fondi mund të balancojë ekspozimin ndaj instrumenteve të ndryshme në varësi të kushteve të tregut për të arritur objektivat e tij afatgjatë.

Asetet e fondit të investuara në obligacione korporatash dhe fondet investimesh me vlerësim të lartë përbëjnë 43.7% të totalit të aktiveve. Keto fonde investimi gjithashtu kanë në fokus investime në tregun e obligacioneve. Likuiditeti i mbajtur në cash dhe depozita qëndron në nivelin 5.8% e totalit të asetëve të fondit.


Vlera neto e asetëve të fondit është në nivelin 31.35 milionë EUR në fund të muajit Prill.

## Performanca e fondit dhe ecuria e çmimit të kuotës gjatë muajit Prill

Gjatë muajit Prill cmimi i kuotes është rritur me **0.39%** në krahasim me muajin e mëparshëm.


Tregu i obligacioneve ishte i luhatshëm gjatë Prillit, por ai performoi më mirë drejt fundit të muajit, pasi lajmi për falimentimin e mundshëm të First Republic përfshiu tregjet. Kjo shkaktoi një rivlerësim pozitiv të portofolit të investimeve të fondit Euro, i cili rezultoi me fitim gjatë këtij muaji.

**Kthimi neto vjetor është përmirësuar në nivelin -2.27% më 30 Prill 2023.**



Ne dt 30 Prill 2023	1 Vit	3 Vite	5 Vite	7 Vite	10 Vite	Nga lancimi (22 Nentor 2012)
Kthimi ne % p.a per periudhen	-2.27%	-1.54%	-1.61%	-0.57%	0.52%	0.68%

### Kthimi Neto i fondit Raiffeisen Invest Euro per çdo vit



Duhet patur parasysh se norma e kthimit ndryshon ne varesi te kushteve te tregut dhe çmimi i kuotës mund të jetë i luhatshëm, pra nuk është statik apo gjithmonë në rritje, por edhe mund të bjerë si pasojë e ndryshimeve të kushteve në treg. Luhatshmëria është pjesë e natyrshme e fondeve te investimit dhe eliminimi total i saj është i pamundur.

Investoret e fondit Raiffeisen Invest Euro dhe te gjithe fondeve te administruara nga Raiffeisen Invest keshillohen te kene nje horizont sa me te gjate investimi per te perfituar nje kthim optimal nga investimi dhe ne kete menyre ne periudhe afatmesme apo afatgjate te kene mundesi te rikuperojne edhe efektet negative te krijuara afatshkurter.

Investoret inkurajohen qe te ruajne investimin e tyre duke mos ndryshuar objektivin e qendrimit ne fond te nxitur nga situata jo e zakonshme e krijuar nga pandemia globale, sepse ne kete menyre nuk do te riskojne te dalin nga fondi ne momentin e gabuar per investimin e tyre.

## Zhvillimet dhe informacion mbi ecurinë e tregjeve financiare gjate muajit Prill

Norma vjetore e inflacionit në SHBA u ngadalësua për të nëntin muaj radhazi në 5%, nga 6% në Shkurt, më e ulëta që nga Maji i vitit 2021, dhe nën parashikimet e tregut prej 5.2%. Megjithatë, në Eurozonë, ajo u rrit paksa në 7% në Prill 2023, nga niveli i Marsit prej 6.9%, më e ulëta i 13 muajve të fundit. Norma mbeti dukshëm mbi objektivin e Bankës Qendrore Evropiane prej 2%, dhe megjithëse indeksi i mallrave bazë u zbut në 5.6%, ai mbeti pranë nivelit të lartë historik prej 5.7% nga muaji i kaluar.

Mungesa e një rënieje të menjëhershme të aktivitetit si pasojë e trazirave bankare duket se i ka bindur zyrtarët e Rezervës Federale që të qëndrojnë me planet e përcaktuara në mbledhjen e fundit për të rritur normën e fondeve të Fed mbi 5%, duke vazhduar me një rritje tjetër prej 25 pikësh. Sidoqoftë, komunikimet e fundit tregojnë për një mendësi të përbashkët të politikëbërësve se fundi i ciklit aktual të shtrëngimit është afër. Zyrtarët e BQE-së lanë të kuptohet se një rritje e mëtejshme e normës në Maj, është e mundur. Ritmi i rritjes është ende në pikëpyetje mes 25 ose 50 pikësh që janë opsionet e disponueshme. Shifrat e inflacionit për muajin Prill, veçanërisht norma bazë, ka të ngjarë të jenë fokusi kryesor gjatë marrjes së këtij vendimi.

Në vazhdim, të dhënat ekonomike jo vetëm që tregojnë një shtrëngim të kushteve të kredisë, por paralajmërojnë gjithashtu se punësimet kanë vazhduar të ngadalësohen dhe se shpenzimet e konsumatorëve janë ulur. Kur frika ndaj një krize të re bankare u duk se ishte shuar, First Republic u kthye në dështimin e dytë më të madh bankar në historinë e SHBA-së dhe huadhënësi i katërt rajonal që shkon drejt falimentimit që nga fillimi i Marsit. Për fat të mirë, JPMorgan Chase & Co. ka shumë të ngjarë të blejë First Republic Bank në një marrëveshje të udhëhequr nga qeveria, duke i dhënë qetësinë e munguar një prej bankave më të mëdha e problematike, të mbetura pas trazirave që përfshinë industrinë në Mars.

Tregu i obligacioneve ka qenë i luhatsëm gjatë muajit Prill, duke pësuar humbje si pasojë e shqetësimeve për vazhdimësinë e inflacionit dhe normave më të larta të interesit. Anasjelltas, yield-et ranë dhe spread-et u shtrënguan përgjatë fund të muajit, pasi lajmi për falimentimin e mundshëm të First Republic përfshiu tregjet. Ky dështim i fundit bankar i kombinuar me të dhënat ekonomike që mbështesin një rënie ekonomike të afërt, e kthen rritjen e vazhdueshme të normave në një skenar jo shumë të mundur.

Të dhënat e kthimit nga investimi në të shkuarën janë vetëm ilustrative dhe nuk përfaqësojnë një premtim apo garanci për kthimin në të ardhmen. Të gjithë shembujt e tjerë numerikë janë përdorur për qëllime ilustrative dhe analizë të të dhënave historike, dhe nuk duhen përdorur nga investitorët për të nxjerrë konkluzione për të ardhmen. Investitorët e mundshëm duhet të lexojnë Prospektin dhe Rregullat e Fondit. Raiffeisen Invest dhe forca shitëse e fondit nuk garantojnë një kthim të caktuar të fondit. Informacioni mbi çmimin e përditësuar të kuotës, prospektin dhe rregullat e Fondit gjendet pranë zyrave të Raiffeisen Invest sha., në faqen zyrtare [www.raiffeisen-invest.al](http://www.raiffeisen-invest.al) ose në degët e Raiffeisen Bank në Shqipëri.